

讀

書

雜

志

墨子第三

讀警雜誌七

高郵王念孫

天志上

所

若處家得罪於家長猶有鄰家所避逃之念孫案所猶

可也

說見釋詞

言有鄰家可避逃也

下文同

畢引廣雅所尻也

失之

幽門 幽洞

夫天不可為林谷幽門無人明必見之畢云門當為洞  
念孫案畢改門為洞據明鬼篇文也余謂門當為閭闔

讀若閑言天監甚明維林谷幽閒無人之處天必見之  
也賈子耳痺篇曰故天之誅伐不可為廣虛幽閒攸遠  
無人雖重襲石中而居其必知之乎淮南覽冥篇曰上  
天之誅也雖在廣虛幽閒遠遠隱匿重襲石室界障險  
阻其無所逃之亦明矣義皆本於墨子則幽門為幽閒  
之誤明矣又明鬼篇雖有澹谿博林幽澗母人之所幽  
澗亦幽閒之誤淡谿博林幽閒母人即所謂林谷幽閒  
無人也幽閒母人正指淡谿博林言之  
若作幽澗則  
與淡谿相複

脫文三

然而天下之士君子之於天也忽然不知以相儆戒舊本

脫士字及之於二字今據上下  
文補士字又以意補之於二字

脫文十五

然則天亦何欲何惡天欲義而惡不義然則率天下之  
百姓以從事於義則我乃為天之所欲也然則我何欲  
何惡我欲福祿而惡禍崇若我不為天之所欲而為天  
之所不欲舊本脫若我以下十  
五字今據中篇補然則我率天下之百姓  
以從事於禍崇中也

次

是故庶人竭力從事未得次己而為政有士政之政與  
正同

下篇皆  
作正畢云次忒字省文引之曰畢說非也次猶即也

下文諸次此言士在庶人之上故庶人未得即己而為  
 正有士正之也次即聲相近而字亦相通虞誥勿庸以  
 次女卦荀子致士宥坐二篇竝作勿庸以即女家語始  
 誅篇作勿庸以即女心皆其證說文𠄎古文作𠄎亦其  
 例也

天志中

脫文二

何以知義之為善政也曰天下有義則治無義則亂是  
 以知義之為善政也舊本脫而為字下篇曰何以知義之為正也天下有義則治無義則  
亂我以此知義之為正也今據補

下出

先王之書曰明哲維天臨君下出引之曰下出二字義

不可通出當為土明哲維天臨君下土猶詩言明明上

天照臨下土耳隸書出字或作土若數省作款貴省作

形與土相似故土譌為出漢書外戚傳必畏惡吐棄我

雷降

雷降雪霜雨露以長遂五穀麻絲念孫案雷降雪霜雨

露義不可通雷蓋實字之誤實與隕同左氏春秋經莊

公羊隕爾雅隕降落也故曰實降雪霜雨露七年星隕如雨

天胡說

若天不愛民之厚天胡說人殺不辜而天子之不祥哉  
念孫天胡說之天當爲夫此涉上下文天字而誤夫發  
聲也言若天非愛民之厚則人殺不辜而天子之不祥  
者果何說哉節葬篇曰厚葬久喪果非聖王之道夫胡  
說中國之君子爲而不已操而不擇哉是其證

既可得畱而已 既可謂而知也

故夫愛人利人順天之意得天之賞者既可得畱而已  
畢云据下云既可謂而知也此句未詳念孫案既可  
畱而已當作既可謂而知也墨子書知字多  
作智見於經說  
耕柱二篇者不可枚舉其他  
書作智者皆見管子法法篇言順天之意得天之賞者

既可得而知已

尚賢篇曰既可得而知已

舊本作既可得留而已者

智誤為畱又誤在而字上耳下文云故夫憎人賊人反天之意得天之罰者既可謂而知也亦當作既可得而知也此因得與謂草書相似而誤既可得而知五字前後相證則兩處之誤字不辯而目明

下篇亦云既可得而知也

### 天之意 天之志

故子墨子之有天之意也念孫案天之意本作天之天之即天志本篇之名也

子墨子之有天之已見上文古志字通作之說見說令篇常司

上之

後人不達又見上下文皆云順天之意反天之意

故於天之下加意字耳下篇曰非獨子墨子以天之志



爲法也又曰當天之志而不可不察也天之志者義之經也三志字亦後人所加之卽志字也

行文三 脫文一

觀其行順天之意謂之善行反天之意謂之不善行舊本

謂之善下行意字謂之不善下脫行字又行意非二字今據下文改正

天志下

極戒

然而莫知以相極戒也引之曰極字義不可通極戒當爲儆戒字之誤也上篇相儆戒三字凡五見

脫文三

今天下之士君子皆明於天子之正天下也而不明於

天之正天子也

舊本不明於天下脫之字  
正下又脫天子二字今補

### 禍福

天子賞罰不當聽獄不中天下疾病禍福念孫案福字  
義不可通禍福當為禍崇下者降也言降之以疾病禍  
崇也疾病禍崇見中篇

### 物

且天之愛百姓也不盡物而止矣念孫案物字義不可  
通物當為此此字指上文而言中篇曰不止此而已矣

又曰不止此而已

舊本脫不皆其證  
字今補

衍文一 脫文六

今天下之國粒食之民殺一不辜者必有一不祥

舊本民下

衍國字今刪殺一下脫不辜者必有一六字今據上中二篇補

別

且天之愛百姓厚矣天之愛百姓別矣引之曰別讀為

徧言天徧愛百姓也古或以別為徧說見經義述聞尚

書康誥

毀之賁不之廢也

是以天下之庶民屬而毀之業萬世子孫繼嗣毀之賁不之廢也畢云句疑有脫誤念孫案賁當為者隸書者

字或作者

見漢衛尉卿衡方碑，邠陽台曹全碑。

與實相似而誤不之廢衍

之字廢者止也

見中屬表記注

言業萬世子孫繼嗣而毀之者

猶不止也尚賢篇云萬民從而非之曰暴王至今不已

是也今本者譌作賁下文又衍之字則文不成義

### 脫文一

今輪人以規匠人以矩以此知方圓之別矣

舊本脫知字中篇曰

圓與不圓方與不方皆可得而知今據補

### 溝境 御

入其溝境刈其禾稼斬其樹木殘其城郭以御其溝池

念孫案溝境二字不詞當依非攻篇作邊境此涉下文

溝池而誤也引之曰御字義不可通御當為抑抑之言  
 堙也謂壞其城郭以塞其溝池若周語所云墮高堙庫  
 也史記河渠書禹抑鴻水索隱曰抑漢書溝洫志作堙  
 堙抑皆塞之也是抑與堙同義非攻篇作湮其溝池湮  
 亦堙也隸書抑字或作抑見漢校官碑御字或作御見帝二堯碑  
 形相似而誤

係操

民之格者則到拔之不格者則係操而歸引之曰民可  
 係而歸不可操而歸古亦無以係操二字連文者操當  
 為繫即孟子所謂係累其子弟也累誤為梟後人因改

爲操耳

### 春酋

丈夫以爲僕圉胥靡婦人以爲春酋畢云周禮云其奴  
男子入于舉隸女子入于春槩又說文云酋繹酒也禮  
有大酋掌酒官也未詳婦人爲酋之義酋與卣聲形相  
近說文卣抒曰也亦春槩義與念孫案畢以酋爲或春  
或卣之卣非也說文酋繹酒也從酉水半見於上禮有  
大酋掌酒官也月令注酒孰曰酋據此則酒官謂之酋者以其  
掌酒也然則女奴之掌酒者亦得謂之酋矣周官酒人  
女酒三十人奚三百人鄭注曰女酒女奴曉酒者古者

從坐男女没入縣官為奴其少才知以為奚是其證惠氏

半農禮說曰酒人之奚多至三百則古之酒皆女子為之即墨子所謂婦人以為春首也

法美

為人後子者必且欲順其先君之行曰何不當發吾府

庫舊本脫府字據上文補視吾先君之法美念孫案法美二字義

不相屬美當為義字之誤也少儀言語之美鄭注美當為儀案美乃義字之誤義

即古儀字說見經義述法義即法儀也前有法儀篇云

可以無法儀非命篇當讀為嘗荀子性惡篇今當試去

曰先立義法即儀法當讀為嘗君上之執無禮義之化

去法正之治無刑罰之禁則天下之持亂而相匹不待

南夷傳嘗擊商越者嘗試也言試發吾府庫視吾先君

八校尉漢書嘗作常

之法儀也。

### 蚤案

與角人之府庫

角字有誤

竊人之金玉蚤案者乎引之曰蚤

案二字義不可通蚤案當為布案隸書布字作布蚤字

作蚤二形相似故布譌為蚤

荀子儒效篇必蚤正以待之也新序雜事篇蚤作布

臬蓋縲之借字布縲即布帛說文縲帛如紺色或曰淡

縲讀若臬縲臬同音故字亦相通凡書傳中從臬從參

之字多相亂故非樂篇多治麻絲葛緒細布縲今本作

布縲而擅弓之布幕衛也縲幕魯也今本亦作縲幕其

它從臬之字亦多變而從參

說見詩本音陳風月出篇

隸書參字作



參與彙相似因譌為彙矣

西伯戮紂乃罪多參在上馬融讀參為彙亦以其字形之

似相金玉布練皆府庫所藏故曰角人之府庫竊人之金

玉布梟

脫文十

與險人之欄牢竊人之牛馬者與入人之場園竊人之

引之日舊脫者與入人之場園竊人之十字當據上下文補

桃李瓜薑者

文義

有能多殺其鄰國之人因以為文義念孫案文義二字

義不可通文當為大字之誤也謂多殺鄰國之人聞之

者不以為不義反以為大義也非攻篇曰小為非則知

而非之大為非攻國則不知非今本不知從而譽之謂  
之義此之謂也

明鬼下

借若

今若使天下之人借若信鬼神之能賞賢而罰暴也舊本

罰暴二字制則夫天下豈亂哉念孫案上言若使則下轉據上文改

不得又言借若余謂若字涉上文而衍借乃借字之誤

借與皆通湯誓子及女皆以孟子梁惠王篇皆作借言周頌豐年篇降福孔皆晉書樂志皆作借言

使天下之人皆信鬼神之能賞賢而罰暴則天下必不

亂也

天下之

旦暮以為教誨乎天下之疑天下之眾畢於上之字下  
 補人字念孫案畢補非也此文本作旦暮以為教誨乎  
 天下句今本天下下有之字者涉下句天下之眾而衍  
 畢不解其故而於之下補人字誤矣下文天下之眾即  
 天下之人也

脫文九

請或聞之見之則必以為有莫聞莫見舊脫則必以下  
九字今據下文  
及非命則必以為無篇補

敢問神

鄭穆公再拜稽首曰敢問神曰予爲句芒畢據太平御覽神鬼部二於神下加明字云明同名念孫案鈔本御覽正作敢問神名刻本名作明誤也明古讀若芒不得與名通

### 馳祖

燕將馳祖燕之有祖當齊之社稷宋之有桑林楚之有雲夢也畢釋祖字云祖道也念孫案畢說非也法苑珠林君臣篇作燕之有祖澤猶宋之有桑林國之大祀也據此則祖是澤名故又以雲夢比之下文燕簡公方將馳於祖塗亦謂祖澤之塗也然則祖非祖道之謂

由 猶

齊君由謙殺之恐不辜猶謙釋之恐失有罪念孫案由  
猶皆欲也謙與兼同言欲兼殺之兼釋之也大雅文王  
有聲篇匪棘其欲禮器作匪革其猶周官小行人其悖  
逆暴亂作慝猶犯令者大戴記朝事篇猶作欲是猶卽  
欲也猶由古字亦通

泚 泚 撻 羊

於是泚泚撻羊而漉其血畢云說文云泚水兒讀若窟  
泚未詳疑血字言以水漉血太平御覽事類賦引作以  
羊血灑社則漉當爲灑字之誤撻字書無此字盧云玉

篇有搃字云搖也身可身寡二切引之曰搃卽到字也  
廣雅曰到曹憲音乙牙反刑刻到也吳語自到於客前賈逵曰  
到到也作搃者或字耳此文本作搃羊出血而灑其血  
謂到羊出血而灑其血於社也太平御覽獸部十三引作以  
羊血灑社者省文耳今本出血作洫洫涉下文灑字而  
誤加以又誤在搃羊之上則義不可通

### 請品先

請品先不以其請者鬼神之誅至若此其憺邀也畢云  
品當爲盟下請字當爲情引之曰畢謂品當作盟是也  
上請字當爲諸先當爲其隸書先字或作失與其相似而誤說見經義述聞左傳傳

三十一年 共字當在盟字上共盟見上文 諸猶今人言諸凡也言

凡共盟而不以其情者必受鬼神之誅也上文曰諸不敬慎祭祀者鬼神之誅至若此其憐邀也是其證今本諸譌作請其譌作先盟譌作品又升品字於先字上則義不可通下請字卽情字也墨子書通以請爲情不煩改字

敢位 禁社

且惟管者虞夏商周三代之聖王其始建國營都必擇國之正壇置以爲宗廟必擇木之脩茂者立以爲敢位畢云敢蕝字假音說文云朝會束茅表位曰蕝春秋國

詩曰茅蕝表坐韋昭曰蕝謂束茅而立之所以縮酒念

孫業畢說非也敢與蕝同位當為社字之誤也蕝書社字或作

社又作社因譌而為位漢晉相韓勅造孔廟禮器碑精

川長社王元君真字作社魯相史晨祠孔廟奏銘夫封

土為社字作急就篇祠祀社稷蕝臘奉蕝一本作敢蕝

社是其證也魯大記曰橫猶蕝也釋文敢才工反本亦作蕝說文

曰榛敢也淮南原道篇注曰蕝木曰榛蕝亦與蕝同顏

師古曰蕝謂草木岑蔚之所因立神祠即此所謂擇木

之脩茂者立以為敢社也秦策恆思有神蕝高注曰神

祠蕝樹也見史記陳涉世家索隱莊子人閒世篇曰見櫟社樹其

大蔽牛呂氏春秋懷寵篇曰問其蕝社大祠民之所不

欲廢者而復興之太元歌次四曰牽羊示于蕝社皆其



證也。置以為宗廟，承上賞於祖而言，立以為叢社，承上  
僂於社而言，則位為社字之誤明矣。史記陳涉世家又  
闕令吳廣之次近所旁叢祠中，索隱引墨子云：建國必  
擇木之脩茂者以為叢位，則所見本社字已誤作位，而  
叢字作叢則不誤也。又耕柱篇曰：季孫紹孟伯常治魯  
國之政，不能相信，而祝於禁社。禁社乃叢社之誤，叢亦  
與叢同。爾雅灌木叢木，釋文曰叢本或作叢，漢書東方朔傳叢珍怪師古曰叢古叢宗漢韻阮君神祠碑陰有叢樹伯叢說文羊叢生也叢叢也從羊取聲取叢謂之叢，取木亦謂之叢，叢叢叢叢三字或從羊或從艸或從木，其義一也。

古者聖王必以鬼神為

念孫案爲下當有有字而今本脫之必以鬼神爲有見上文其下仍有脫文不可考

咸

故書之竹帛傳遺後世子孫咸恐其腐蠹絕滅後世子孫不得而記故琢之盤孟鏤之金石以重之引之曰咸字文義不順當是或字之誤言或恐竹帛之腐蠹絕滅故又琢之盤孟鏤之金石也

慎無

先王之書慎無一尺之帛一篇之書語數鬼神之有重有重之有與又同亦何書有之哉念孫案慎無二字義不可

通慎無當為聖人上文曰故先王之書聖人

此下脫二字或當云

聖人之言一尺之帛一篇之書是其證

### 矧住人面

商書曰嗚呼古者有夏方未有禍之時百獸貞蟲允及飛鳥莫不比方矧住人面胡敢異心畢改住為在引之

曰古惟字但作佳

古鐘鼎文惟字作佳石鼓文亦然又夏竦古文四聲韻載道德經惟字作

佳墨子多古字後人不識故傳寫多誤

此住字蓋佳字之誤不當改為在

也矧惟者語詞康誥曰矧惟不孝不友又曰矧惟外庶

子訓人酒誥曰矧惟爾事服休服采矧惟若疇圻父薄

違農父若佻宏父皆其證也鹽鐵論未通篇曰周公抱

成王聽天下恩塞海內澤被四表矧惟人面今本人作

南此後人

不曉文義而含仁保德靡不得其所繇役篇曰習天之

下惟人面之倫莫不引領而歸其義後漢書章帝紀曰

訖惟人面靡不率俾和帝紀曰戒惟人面無思不服竝

與墨子同意

誤文二

此吾所以知商書之鬼也且商書獨鬼而夏書不鬼則

未足以為法也舊本上商書誤作商周下商書譌作高書今據上文改

事

賞於祖者何也言分命之均也僂於社者何也言聽獄

之事也念孫案事者中之壞字也中者平也與均字對  
文上文曰僂於社者何也言聽之中也是其證

尚書

故尚書夏書其次商周之書念孫案尚書夏書文不成  
義尚與上同書當爲者言上者則夏書其次則商周之  
書也此涉上下文書字而誤

若以爲不然

念孫案此五字隔斷上下文義益涉下文若以爲不然  
而行

不可

鬼神之罰不可富貴眾強勇力強武堅甲利兵鬼神之  
罰必勝之畢依一本於不可下補恃字念孫案不可下  
一字乃爲字非恃字也下文曰此吾所謂鬼神之罰不  
可爲富貴眾強勇力強武堅甲利兵者此也此文凡  
其明證矣上文曰鬼神之明不可爲幽閒廣澤山林溪  
谷鬼神之明必見之與此文同一例不可爲富貴眾強  
云云猶孔子言仁不可爲眾也其一本作不可恃恃字  
乃後人以意補之與上下文不合

主別

推哆大戲主別兇虎指畫殺人畢云主別太平御覽引

作生捕

皇正部七

念孫案主別兕虎本作生列兕虎列即今

裂字也

說文列分解也裂繙餘也義各不同良九三列其義大戴記曾子天圖篇割列禮齊管子五輔

篇博帶黎大袂列皆是古分列字今分列字皆作裂而列但為行列字矣

鈔本太平御覽引

墨子作生裂兕虎故知今本主別為生列之謬刻本作

生捕者淺人以意改之耳

楚毒

楚毒無罪剗剔孕婦念孫案楚毒本作焚炙此因焚誤

為楚則楚炙二字義不可通後人不得其解遂以意改

為楚毒耳焚炙即所謂炮烙之刑也

俗作炮烙非說見史記殷本紀焚

炙剗剔皆實有其可指之刑若改作楚毒則不知為何

刑矣。北堂書鈔政術部十五出焚炙無罪四字。注曰：墨子云：殷紂則墨子之本作焚炙無罪甚明。偽古文秦誓焚炙忠良，剝孕婦，即用墨子而小變其文。

百走

眾畔百走引之曰：百字義不可通。百走蓋皆走之誤。

脫文二

此非所以為上士之道也。

舊本脫之字也。字上文曰：則非所以為君子之道也。與此

文同一例。今據補。

非樂上

遼野



非以高臺厚榭邃野之居以為不安也引之曰野即字

字也古讀野如字

周官職方氏其澤藪曰大野釋文野劉音與與字古同音餘見唐韻正

故與宇通楚辭招魂高堂邃宇王注曰邃深也宇屋也

鹽鐵論取下篇曰高堂邃宇廣廈洞房易林恒之剝曰

深堂邃宇君安其所皆其證若郊野之野則不得言邃

且上與高臺厚榭不倫下與之居二字義不相屬矣

意舍此

此下有脫文不可考

遲者 當年

將必不使老與遲者又下文將必使當年念孫案遲讀

爲穉遲字本有穉音遲穉又同訓爲晚廣雅遲穉晚也故穉通作遲當年壯年也或曰丁年說見經義述聞爾雅

不與

其說必將與賤人不與君子念孫案此本作必將與賤人與君子下文與君子聽之與賤人聽之即承此文而言今本作不與君子不字乃後人不曉文義而妄加之

醜羸

食飲不美面目顏色不足視也衣服不美身體從容醜羸不足觀也念孫案醜羸二字後人所加也楚辭九章

注曰從容舉動也古謂舉動爲從容說見廣雅疏證釋訓身體從容不足

觀謂衣服不美則身體之一舉一動皆無足觀也後人  
 乃加入醜羸二字夫衣服不美何至羸其身體且身體  
 從容不足觀與面目顏色不足視對文加醜羸二字則  
 與上文不對矣鈔本北堂書鈔衣冠部三引此作身體  
 從容不足觀無醜羸二字陳禹謨本刪去太平御覽服章部十  
 飲食部七所引竝同

升粟

農夫蚤出暮入耕稼樹藝多歌升粟念孫案升當為叔  
 叔與菽同大雅生民篇藟之在菽檀弓啜菽飲水左氏春秋定元年隕霜殺菽釋文竝作叔管子戒篇出冬蔥與戎叔莊子刈御寇篇會以芻叔漢書昭帝紀以叔粟當賦竝與菽同尚賢篇云蚤

出莫入耕稼樹藝聚菽粟是其證也草書叔字作𠂔升  
字作𠂔二形相似晏子諫篇合升𠂔之微以滿倉廩說  
苑正諫篇升𠂔作菽粟齊策先生王斗文選任昉齊竟  
陵文宣王行狀注引作王叔漢書古今人表作王升後  
漢書周章字次叔叔或作升文選左思魏都賦注引張  
升反論陳琳答東阿王牋注作張叔及論昭七年左傳  
正義作張叔皮論皆以字形相似而誤非命篇多聚升  
粟誤與此同

繆

多治麻絲葛縑細布繆念孫案繆當爲縑凡書傳中從

臬之字多變而從參說見詩本音陳風月出篇故縹誤為縹集韻細

織也細布縹猶言細布帛說文縹帛如紺色或曰淡縹

從系臬聲讀若臬玉篇子老切廣雅曰縹謂之縹檀弓布幕

衛也縹幕魯也鄭注曰縹縹也縹讀如綃今本檀弓亦譌作縹又

說文縹旌旗之游也從系參聲玉篇所銜切兩字判然不同

非命篇細布縹同

### 脫文四

卽必不能蚤出暮入耕稼樹藝多歌叔粟是故叔粟不

足舊本脫是故叔粟四字今據上下文補

舞佯佯黃言孔章

畢云舞當爲舞舞與謨音同孔書作聖謨洋洋又云黃  
孔書作嘉是引之曰畢說非也舞伴伴黃言孔章上帝  
弗常常讀肆皇天弗尚之  
尚說見經義述問九有以亾卽下文之萬舞翼  
翼章聞于天天用弗式也此承上文恆舞于宮而言言  
耽於樂者必亾其國故下文云察九有之所以亾者徒  
從飾樂也東晉人改其文曰聖謨洋洋嘉言孔彰惟上  
帝不常則與墨子非樂之意了不相涉而畢反據之以  
改原文僞矣

非命上

命壽則壽命天則天命

此下有脫文不可考

廢

廢以為刑政盧云廢置也念孫案盧說非也廢讀為發故中篇作發而為刑政下篇作發而為政乎國發廢古字通說見史記平原君傳

益蓋

今天下之士君子或以命為有句益蓋嘗尚觀於聖王

之事念孫案或以命為有絕句下文云豈可益即蓋字

之譌蓋字俗書作蓋形與益相近故蓋譌作益史記今

云益蓋者一本作益一本作蓋而後人誤合之耳蓋與

盜同盜何不也

檀弓曰子蓋言子之志於公平孟子梁惠王篇蓋亦反其本矣

嘗試也

尚與上同言今天下之士君子或以命為有則何不試

上觀於聖王之事乎下文曰今天下之士君子或以命

為有

句

益嘗尚觀於先王之書益亦蓋字之譌

則是以

與其百姓兼相愛交相利則是以近者安其政遠者歸

其德念孫案是以上不當有則字蓋即利字之誤而行

者上下文是以天鬼富之諸侯與之百姓親之賢士歸

之是以上皆無則字

脫文二



是故古之聖王發憲出令設以爲賞罰以勸賢畢云中  
篇作勸沮是念孫案原文是勸賢不得徑改爲勸沮余  
謂勸賢下當有沮暴二字勸賢承賞而言沮暴承罰而  
言尚賢篇曰賞不當賢而罰不當暴則是爲賢者不勸  
而爲暴者不沮矣尚同篇曰賞譽不足以勸善而刑罰  
不可以沮暴皆其證

持

此持凶言之所自生而暴人之道也念孫案持字義不  
可通持當爲特呂氏春秋忠廉篇注曰特猶直也言此  
直是凶人之言暴人之道也下文同

心涂

昔上世暴王

舊本昔譌作若據上文改

不忍其耳目之淫心涂之磬

畢云涂猶術引之曰畢說非也心涂本作心志耳目之

淫心志之磬竝見中篇下篇作心意亦心志之譌

縱之棄

天亦縱之棄而弗祿念孫案縱之棄當作縱棄之縱棄

猶放棄也中篇作天不亦棄縱而不祿

孟子滕文公篇注曰不亦者亦

也畢本不亦作亦不非

天志篇作天亦縱棄紂而不祿皆其證

脫文三

上無以供粢盛酒醴祭祀上帝鬼神下無以降綏天下

賢可之士

舊本脫下無以三字今據上下文補

非命下

遲樸

昔者暴王作之窮人術之此皆疑眾遲樸引之曰遲字

義不可通遲當為遇字之誤也遇與愚同

晏子春秋外篇盛為聲樂

以淫愚民墨子非儒篇愚作遇莊子則陽篇匿為物而愚不識釋文愚一本作遇韓子南面篇愚賴窳惰之民

宋乾道本愚作遇秦策今愚惑與罪人同心姚本愚作遇言此有命之說或作之或

述之皆足以疑眾愚樸樸謂質樸之人也中篇作教眾

愚樸是其證

今本愚樸下行人字

畢說非

惟舌

今天下之君子之爲文學出言談也非將勤勞其惟舌

而利其脣岷也岷與同一本惟舌作頰舌念孫案惟與頰

形聲俱不相近若本是頰字無緣誤而爲惟一本作頰

者後人以意改之耳惟舌當爲喉舌喉誤爲唯因誤爲

惟耳潛夫論斷訟篇慎已喉舌以示下民今本喉作唯

其誤正與此同凡從侯從佳之字隸書往往譌溷隸書侯字

作侯佳字作海內東經少室在維氏南一曰緱氏緱與

維形相近晏子諫篇咎夏之衰也有推侈大戲韓子說

疑篇推侈作侯侈淮南兵略篇疾如鏃矢高注曰鏃金

鏃翦羽之矢也今本鏃作鏃後漢書臧宮傳妖巫維汜

維或作緌方言難雖徐學淵同謂之登子今本作秋侯  
子皆以字形相似而誤

### 麻統

多治麻統葛緒畢云說文統絲曼延也念孫案畢說非  
也統當爲絲非樂篇作多治麻絲曼緒是其證墨子書  
言麻絲者多矣未有作麻統者且麻絲爲古今之通稱  
若統爲絲曼延則不得與麻並舉矣蓋俗書統字作統  
與絲相似故絲譌爲統非說文之統字也

### 不使

上以事天鬼天鬼不使畢云使當爲便念孫案爾雅使

從也天鬼不從猶上文言上帝不順耳小雅雨無正篇云不可使得罪于天子鄭箋訓使為從管子小匡篇魯請為關內之侯而桓公不使邢請為關內之侯而桓公不使不使謂不從也使非便字之誤

### 待養

下以待養百姓念孫案待字義不可通待養當為持養字之誤也

周官服不氏以旌居之而待獲注待當為持

天志篇曰會飢息勞

持養其萬民荀子勸學篇曰除其害者以持養之榮辱

篇曰以相羣居以相持養

揚倅注持養保養也

分言之則曰持曰

養管子明法篇曰小臣持祿養交晏子春秋問篇曰士

者持祿游者養交是也

其耘

其耘其國家傾覆其社稷念孫案其字義不可通當是

夫字之誤

隸書失字或作夫與共相似

說文耘有所失也尙賢篇云

失損其國家

耘損古字通

傾覆其社稷天志篇云國家滅亡

耘失社稷齊策云守齊國唯恐失耘之皆其證

脫文六

今天下之士君子中實將欲求與天下之利除天下之害當若有命者言也念孫案此本作當若有命者之言不可不強非也淮南脩務篇注曰強力也言有命之言

士君子不可不力非之也中篇作不可不疾非疾亦力也見呂氏春秋尊師篇注下文曰將不可不察而強非者此也是其證今本言上脫之字也上脫不可不強非五字則義不可通

非儒下

親親有術

儒者曰親親有術尊賢有等引之曰此卽中庸所謂親親之殺尊賢之等今云親親有術者殺與術聲近而字通也說文殺字從殸杀聲而無杀字五經文字曰杀古殺字案杀爲古殺字而後又加殸猶木爲古赫字而後又加禾也今案杀字蓋從殸



尫聲說文又芟艸也從ノノ相交

說文ノ讀與弗同玉篇人音折切

或

從刀作刈廣雅刈殺也哀元年左傳艾殺其民艾與又

刈同是又即殺也故杀字從又而以尫為聲又字篆文

作𠄎今在尫字之上故變曲為直而作𠄎

說文𠄎字解云人在下故

詰曲此變直為曲者也與又正相反

其實一字也說文無又部故杀字無

所附而不收杀與術並從尫聲故聲相近轉去聲則殺

音色介反術音遂

見月令學記注

聲亦相近故墨子書以術為

殺

其

喪父母三年其妻後子三年念孫案其字涉下文伯父

叔父弟兄庶子其而衍節葬篇父母外喪之三年下無其字是其證畢讀其為基而以喪父母三年其為句大誤

親伯父宗兄而卑子

若以尊卑為歲月數則是尊其妻子與父母同

上文云喪父母

三年妻後子三年

而親伯父宗兄而卑子也盧云似當云而卑

與子同也引之曰而卑子也當作卑而庶子也而讀為

如言卑其伯父宗兄如庶子也

上文云伯父叔父弟兄庶子其

今本卑

而二字倒轉又脫庶字余謂親伯父宗兄親當為視言

視伯父宗兄如庶子之卑也視親字相似

淮南兵略篇上視下如弟

今本視又涉上下文親字而誤  
誤作親

列尸弗

其親外列尸弗畢讀弗字句絕云弗與祓同念孫案喪禮無祓尸之事畢說非也此本作列尸弗斂今本脫斂字耳外三日而後斂則前二日猶未斂也故曰列尸弗斂列者陳也鈔本北堂書鈔地部二引此正作列尸弗

斂陳禹謨本刪去

如其亾也

以為實在則慈惠甚矣如其亾也必求焉偽亦大矣引之曰如其亾也二句與偽字義不相屬如當為知言既

知其亾而必求之則僞而已矣

祗禴

取妻身迎祗禴為僕秉轡授綬畢云說文祗敬也禴衣  
正幅則禴亦正意與端同念孫案畢說非也祗當為袷  
隸書祗字作禎與袷相似故袷誤為祗袷禴卽元端也  
周官司服其齊服有元端素端鄭注曰端者取其正也  
服虔注昭元年左傳曰禮衣端正無殺故曰端端與禴  
同故說文以禴為衣正幅也玉篇袷黑衣也淮南齊俗  
篇尸祝約袷蔡邕獨斷曰祠宗廟則長冠約元約元與  
虞左傳注曰約袷同約亦黑色也文選開居賦注引服  
大夫端冕高注曰約純服袷黑齋衣也卽

周官所云齊服元端也莊子達生篇祝宗人元端卽淮南所云尸祝衿袷也

脫文一 誤文一

吏不治則亂農事緩則貧貧且亂政之本此句有脫文而儒

者以為道教是賊天下之人者也舊本脫吏字今據上文補賊諛作賤今以

意改後凡賊諛作賤者放此

家翠

因人之家翠以為此下脫恃人之野以為尊畢云廣雅

曝肥也此古字引之曰因人之家肥文不成義翠當讀

為翠玉篇翠思醉切廣韻云貨也謂因人之家財也韓

子說疑篇破家殘賊是也古無賸字故借翠爲之

### 服古言

君子必服古言然後仁念孫案服古言三字文義不順當依公孟篇作必古言服然後仁

所謂古之者皆嘗新矣而古人服之則君子也然則必法非君子之服言非君子之言而後仁乎

引之曰此文當作所謂古之言服者皆嘗新矣而古人言之服之則非君子也

非君子見下

然則必服非君子之服

言非君子之言而後仁乎今本古之言服脫言服二字

古人言之服之脫言之二字則非君子也脫非字服非君子之服上服字譌作法

何故相

仁人以其取舍是非之理相告無故從有故也弗知從有知也無辭必服見善必遷何故相念孫案何故相下當有與字而今本脫之則義不可通相與謂相敵也謂相敵為相與襄二十五年左傳一與一誰能懼我哀九年傳宋方吉不可與也越語彼求從我固守勿與與字並與敵同義詳見經義述聞左傳襄二十五年言既為仁人則無辭必服見善必遷何故兩相敵也上文曰若皆仁人也則無諛而相與是其明證矣

傳術

因用傳術令士卒曰毋逐奔揜函勿射施則助之胥車

念孫案傳術二字義不可通傳術當為儒術毋逐奔云

云皆儒者之言也見上文故曰用儒術令士卒隸書儒或

作傳傳或作傳二形相似而誤上文儒者迎妻儒誤作

難者在內而儒者無其外儒亦誤作傳

也

暴亂之人也得活天下害不除念孫案也字涉上下文

而衍此言暴亂之人為天下害聖人與師誅罰將以除

害也義見上文若用儒術令士卒曰毋逐奔云云則暴亂之



人得活而天下之害不除矣是暴亂之人下本無也字

昔用偏循身

昔大以治人小以任官遠施用偏近以循身念孫案此

文本作皆大以治人小以任官遠施用偏與偏同近以脩

身言君子之行仁義皆大以治人小以任官遠則所施

周徧近則以脩其身也今本皆作昔周作用脩作循書

脩循相亂說見管子形勢篇則義不可通

行易而從

是以言明而易知也行易而從也念孫案行易而從文不成義當作行明而易從與上句文同一例下文曰行

義可明乎民又曰行義不可明於民皆其證、

### 儒學

儒學不可使議世畢云晏子儒作博議作儀外篇念孫案

作博者是此言孔子博學而不可以為法於世非議其

儒學也今本作儒學者博誤為傳又誤為儒耳隸書傳

說見上文儀議古字通

### 為享豚

子路為享豚念孫案為字後人所加享即今之烹字也

經典省後人誤讀為燕享之享故又加為字耳孔叢子

詰墨篇藝文類聚獸部中太平御覽人事部百二十七

飲食部十一獸部十五引此皆作子路烹豚無為字

苟生 苟義

曩與女為苟生今與女為苟義畢云苟苟且念孫案畢

說非也苟讀為亟其乘屋之亟亟急也說文苟自急救

也從羊省從勺勺猶慎言也舊本誤作從包省從只口猶慎言也今依

段注與苟且之苟從艸者不同曩與女為苟生今與女

為苟義者曩謂在陳蔡時也今謂哀公賜會時也具見上文

苟急也言曩時則以生為急今時則以義為急也若以

苟為苟且之苟則苟義二字義不可通矣文選石崇王

昭君辭注引此亦誤以為苟且之苟案苟字不見經典

唯爾雅亟速也釋文曰亟字又作苟同居力反此釋文中僅見之字而通志堂本乃改苟爲急謬矣盧氏抱經已正之釋文而外則唯墨子書有之亦古文之僅存者良可貴也

羸飽

夫飢約則不辭妄取以活身羸飽僞行以自飾念孫案羸飽僞行以自飾本作羸飽則僞行以自飾羸之言盈也僖二十八年左傳我曲楚直其眾素飽杜注曰直氣盈飽盈飽卽羸飽正對上文飢約而言今本飽下脫則字羸飽又譌作羸飽則義不可通

亦

周公旦非其人也。那何為舍亦家室而託寓也。念孫案亦字義不可通，亦當為亦。亦古其字也。墨子書其字多作亦，說見公孟篇。耕柱篇曰：周公旦辭三公，東處於商奄，蓋即此所謂舍其家室而託寓者。盧改舍亦為亦，舍非是。

墨子第三

墨子弟四

讀書雜誌比

高郵王念孫

經上

端體之無序而最前者也

引之曰序當為厚經說上云端化兩此與比通有端而

后可次無厚而后可是其證也無厚者不厚也訓端以

無厚者凡物之見端其形皆甚微也厚與序隸書相似

而誤說見非攻下篇

縑閱虛也

盧云縑猶墳墟之墟引之曰盧說非也縑乃櫃之借字

經說上云櫨闕虛也者今本脫兩木之闕謂其無木者

也則其字當作櫨眾經音義卷一引三倉云櫨柱上方

木也櫨以木為之兩櫨之闕則無木故曰櫨闕虛也者

兩木之闕謂其無木者也

### 守彌異所也

畢云不移其所故曰守引之曰彌異所非不移其所之

謂也畢說非是今案守當為宇字形相似而誤彌徧也

宇者徧乎異所之稱也經說上解此云宇句東西南北

今本東而東西南北可謂異所矣而徧乎東西南北則

下行家字謂之宇故曰宇句彌異所也高誘注淮南原道篇云四

方上下曰宇蔡邕注典引云四表曰宇四表即東西南北也

經下

量一小而易一大而缶

鑑位

畢云當云鑑立古位立字通案上文云臨鑑而立此亦當云臨鑑立

量一小而易一

大而缶

與正同

說在中之引之曰量當作景字相似而誤

也經說下云鑿中之內鑿者近中則所鑿大景亦大遠

中則所鑿小景亦小而必正起於中緣正而長其直也

中之外鑿者近中則所鑿大景亦大遠中則所鑿小景

亦小而必易合於

於下蓋脫中字說見本篇

而長其直也彼文言鑑



言景言易言正竝與此同是其證也

過件景不從說在改爲

引之曰從當爲徙徙移也列子仲尼篇景不移者說在改也張湛注云景改而更生非向之景引墨子曰景不移說在改爲也是其證

一法者之相與也蓋若方之相召也

引之曰召當作合經說下云或木或石不害其方之相台也台亦合之誤一同也一法同法也

畢以一字與如屬上句非

也

見廣雅

蓋猶皆也言同法者之彼此相如也皆若物之

方者之彼此相合也

經說上

所為不善名 所為善名

行句所為不善名行也所為善名巧也若為盜畢云言所為之事無善名是躬行也有善名是巧于盜名也引之曰善疑當為著形相似而誤也言所為之事不著名是躬行也所為之事著名是巧于盜名者也

故言也者諸口能之出民者也

引之曰當作故言也者出諸口能

下脫一字

之民者也出字

誤倒在下能下又脫一字能與而通

說詳毛詩述聞謂能不我知下

言出諸口而加之民也繫辭傳曰言出乎身加乎民

今久古今且莫

引之曰上今字因下今字而行且當爲且言古今異時  
且莫異時而徧歷古今且莫則久矣故曰久句古今且  
莫故經上云久句彌異時也彌徧也

損偏也者兼之體也其體或去存謂其存者損  
引之曰經上云損偏去也則此當云損偏去也者兼之  
體也其體或去或存謂其去者損寫者脫誤耳

若夫過楹

止句無久之不止當牛非馬若夫過楹引之曰夫當作  
矢矢之過楹久則止而不行故曰無久之不止若矢過

楹鄉射禮記曰射自楹闕故以矢過楹爲喻

經說下

見之智也吉之使智也

引之曰吉當爲告智與知同欲使知之故告之也下文曰告我則我智之

宇南北在且有在莫

宇徙而有處宇

畢讀絕句

宇南北在且有在莫宇徙久引之

曰經說上云宇東西南北此不當言南北而不及東西蓋有脫文且當爲且有讀爲又此言宇徙則自南而北自東而西歷時必久屢更且莫故云宇徙久又云在且

又在莫經說上云久古今且莫是也

今本且亦譌作且辨見本條

而必易合於而長其直也

引之曰於下蓋脫中字上文云必正起於中緣正而長其直也此亦當云易合於中

亦遠

鑿鑿者近則所鑿大景亦大亦遠所鑿小景亦小引之

曰亦遠當作方遠亦古其字

說見公孟篇

與亦相似又因上

下文亦字而誤

且且必然

且且必然且已必已且用工而後已者必用工後已引

之曰且且必然當作且然必然以下三句文義例之可知必用工後已後上亦當有而字

一方貌盡俱有法而異或木或石不害其方之相合也盡貌猶方也

引之曰當作一方盡類或木或石不害其方之相合也俱有法而不異盡類猶方也一方盡類者一同也言同具方形則其方盡相類也隸書類貌相似

見大戴禮文王官人篇

故類誤爲貌又誤倒於盡字上耳或木或石不害其方之相合也者言物之方者雖有方木方石之異而不害其方之彼此相合也作台者字之誤耳俱有法而不異

盡類猶方也者言其法同則彼此盡相類亦猶方與方之盡相類也傳寫者上下錯亂又脫不字耳一方盡類云云則經下所謂一法者之相與也盡若方之相合也

用牛角馬無角

曰盧云曰下當有牛字之與馬不類用牛角馬無角是類不同也

盧云用牛當爲牛有引之曰用非誤字用者以也以牛有角馬無角說牛與馬之不類故云曰牛與馬之不類用牛有角馬無角也下文若舉牛有角馬無角以是爲類之不同也是狂舉也以亦用也上文以牛有齒馬有尾說牛之非馬也不可文義亦同則用非誤字可知但

可云用牛下脫有字耳

論誹誹之可不可以理之可誹雖多誹其誹是也其理不可非雖少誹非也

引之曰當作論誹之可不可以理之可誹不可誹理之可誹雖多誹其誹是也其理不可誹雖少誹非也今本論誹下衍誹字以理之可誹下脫不可誹理之可誹七字其理不可誹誹又譌作非

大取

愛厭厭也 一若今之世人也 凡學愛人

愛厭厭也

畢云此與下寡也舊俱作世以意改

與愛寡也相若兼愛之有



相若愛尚世與愛後世一若今之世人也引之曰愛眾  
眾也下眾字衍當作愛眾也與愛寡也相若今之世人  
當作今世之人今世與尚世尚與後世相對爲文也又  
案下文几學愛人與小園之園云云文義不相屬疑當  
在愛眾也上凡學愛人乃統下文之詞愛眾也云云則  
承上句而詳言之也古書錯簡耳

鬼非人也兄之鬼兄也

引之曰鬼非人也當作人之鬼非人也寫者脫去人之  
二字耳小取篇云人之鬼非人也兄之鬼兄也是其證  
非殺賊也專殺盜非殺盜也

引之曰非殺臧也上有脫文以下二句例之當云專殺臧非殺臧也

愛獲之愛人也生於慮獲之利非慮臧之利也而愛臧之愛人也乃愛獲之愛人也

引之曰生於慮獲之利下當更有慮獲之利四字慮獲之利非慮臧之利也而愛臧之愛人也乃愛獲之愛人也相對爲文

意指之人也

意指之人也非意人也引之曰當作意人之指非意人也意度也言所度者人之指非度人也下文云一指非

一人也是其證

故一人指非一人也是一人之指乃是一人也  
引之曰故一下行人字一人之指上衍是字當作故一  
指非一人也一人之指乃是一人也

小取

舉也物而以明之也 無也故焉

辟也者舉也物而以明之也畢云舉也之也疑衍念孫  
案也非衍字也與他同舉他物以明此物謂之譬故曰  
辟也者舉他物而以明之也墨子書通以也爲他說見  
備城門篇又下文云此與彼同類世有彼而不自非也

墨者有此而非之無故也焉引之曰無故也焉當作無

也故焉也故即他故下文云此與彼同類今本脫類字世有

彼而不自非也墨者有此而非之今本非上行罪字無也故焉

歲本如是今本謬作無故焉也文正與此同今本也故二字倒轉則義

不可通

其然也有所以然也同其所以然不必同 其

取之也有以取之

引之曰同其所以然不必同當作其然也同其所以然

不必同承上文其然與所以然言之也下文其取之也

同其所以取之不必同文義正與此合寫者脫去上三

字耳又下交其取之也有以取之以上當有所字下文  
其所以取之不必同卽承此言之也上文其然也有所  
以然也文義正與此合寫者脫所宗

或一害而一不害

引之曰兩害字俱當作周隸書周字與害相似故誤爲  
害下文此一周而一不周者也與此相應字正作周

或一是而一不是也不可常用也故言多方殊  
類異故則不可偏觀也非也

引之曰此本作或一是而一非也當以非也二字接或  
一是而一下其不可常用也以下三句則因上文而衍

不是也三字又後人所增蓋後人不知不可常用云云  
爲衍文之隔斷正文者又不知非也二字本與或一是  
而一作一句乃足以不是也三字耳下文云此乃一是  
而非者也與此相應當據以刪正

獲之視人也獲事其親非事人也

畢云視當爲事引之曰畢說非也視乃親字之譌獲之  
親句人也獲事其親非事人也兩親字上下相應猶下  
文云其弟美人也愛弟非愛美人也兩弟字亦上下相  
應

所謂內膠外閉與心母空乎內膠而不解也此

乃是而然者也

念孫案上文白馬馬也以下但言是不言非故曰此乃是而然者也獲之親人也以下言是又言非故曰此乃是而不然者也然今本誤作殺且夫讀書非好書也以下亦是非竝言而以此三句承之則亦當云此乃是而不然者也寫者脫去不字耳

乘馬待周乘馬然後爲乘馬也有乘於馬因爲乘馬矣逮至不乘馬待周不乘馬而後不乘馬而後不乘馬此一周而一不周者也

引之曰待周乘馬然後爲乘馬也待上當有不字不待

周乘馬所謂不周也

周禮

下文待周不乘馬所謂周也

以相反爲義而後不乘馬不上當有爲字猶上文云然後爲乘馬也寫者脫去耳其重出之而後不乘馬五字則衍文也

祭之鬼非祭人也

引之曰祭之鬼當作祭人之鬼承上文人之鬼而言也寫者脫人字

之馬之目盼則爲之馬盼之馬之目大而不謂之馬大之牛之毛黃則謂之牛黃之牛之毛眾而不謂之牛眾



畢云之馬之目盼上之疑當爲大則爲之馬盼爲當作  
謂引之曰上之非大字之譌之猶於也說見釋詞言於馬之  
目盼則謂之馬盼於馬之目大而不謂之馬大於牛之  
毛黃則謂之牛黃於牛之毛眾而不謂之牛眾也

一馬馬也馬或白者二馬而或白也

引之曰一馬馬也二馬馬也已見上文此一馬馬也四  
字蓋衍

耕柱

羊

駕驥與羊念孫案羊不可與馬並駕羊當爲牛太平御

覽地部五引此已誤作羊藝文類聚地部及白帖五竝引作牛

足以責

子墨子曰何故歐驥也耕柱子曰驥足以責念孫案驥足以責本作以驥足責言所以歐驥者以驥之足責故也此正荅墨子何故歐驥之問今本倒以字於足字之下則非其旨矣類聚白帖御覽竝作以驥足責下文本作子墨子曰我亦以子爲足責此正荅耕柱子以驥足責之語今本足責作足以責亦誤類聚御覽無以字

折金 山川 陶鑄之

昔者夏后閔使蜚廉折金於山川而陶鑄之於昆吾畢

據文選注七命改折為採念孫案畢改非也折金者撻金

也撻音剔漢書趙廣漢傳其發姦撻伏如神師古曰撻謂動發之也管子地數篇曰上

有丹沙者下有黃金上有慈石者下有銅金上有陵石

者下有鉛錫有銅上有赭者下有鐵君謹封而祭之然

則與折取之遠矣彼言折取之此言折金其義一也說

文曰楨上撻山巖空青珊瑚墮之從石折聲摺與折亦

聲近而義同後漢書崔駰傳注藝文類聚雜器物部初

學記鱗介部太平御覽珍寶部九路史疏佗紀廣川書

跋玉海器用部引此竝作折金文選注作採金者後人

不曉折字之義而妄改之非李善原文也

折金於山川畢云山海經云其中多金或在山或在水  
諸書引多無川字非念孫案山水中雖皆有金然此自  
言使翁難乙折金於山不兼川言之後漢書注文選注  
藝文類聚初學記太平御覽引此皆無川字則川字乃  
後人以意加之也

陶鑄之於昆吾本作鑄鼎於昆吾此淺人不曉文義而  
改之也金可言鑄不可言陶上言折金故此言鑄鼎此  
言鑄鼎故下言鼎成若以陶鑄竝言則與上下文皆不  
合矣後漢書注文選注藝文類聚初學記竝作鑄鼎太

平御覽作鑄之路史作鑄陶玉海作陶鑄之則羅長源  
所見本已有陶字蓋唐宋閒人改之也

曰

是使翁難乙卜於白若之龜

舊本偽作白若之龜畢據藝文類聚改為目若之龜

引爾雅左睨不類右睨不若以為目若之證殊屬附會今考初學記路史廣川書跋玉海並引作白若之龜白字正與今本曰念孫案曰者翁難乙既卜而言其占也同未敢輒改

下文乙又言兆自鼎成四足而方以下六句皆是占詞

畢依玉海於曰上加龜字非也龜曰二字義不可通藝文類聚作使翁難乙灼目若之龜成句曰則曰上本無

龜字明矣

三足

鼎成三足而方念孫案三足本作四足此後人習聞鼎三足之說而不知古鼎有四足者遂以意改之也藝文類聚廣川書跋玉海引此皆作四足則三字必元以後人所改也博古圖所載商周鼎四足者甚多未必皆屬無稽廣川書跋曰祕閣二方鼎其一受太府之量一秬七斗又一受量損二斗三升四足承其下形方如矩漢人謂鼎三足以象三德又謂禹之鼎三足以有承也韋昭以左氏說莒之二方鼎乃謂其上則方其下則圓方其時古鼎存者盡廢其在山澤邱隴者未出故不得其

形制引之曰左傳莒之二方鼎服虔曰鼎三足者圖引

墨子鼎成四足而方以為古鼎四足之證

一南一北一西一東

逢逢白雲一南一北一西一東九鼎既成遷於三國藝

文類聚同太平御覽路史玉海竝作一東一西引之曰

作一東一西者是一東一西當在一南一北之上雲與

西為韻西古讀若駮駮征夫之駮說見六書音均表北與國為韻大雅文王

有聲篇鑄京辟廡自西自東自南自北無思不服廡與

東為韻北與服為韻是其例也而諸書所引一南一北

句皆在上則其誤久矣

諫

使聖人察其良臣與其桀相而諫豈能智與知數百歲

之後哉引之曰諫字與上下文義不合諫當為謀字之

誤也管子立政九敗解諫臣外而詭臣莫今本諫作謀與此文互誤淮南主術篇耳能聽而執正進諫高

注諫或言雖聖人與良臣桀相其謀必不能知數百歲

之後也

能欣者欣

譬若築牆然能築者築能實壤者實壤能欣者欣然後

牆成也畢云說文掀舉出也與欣同引之曰舉出之事

與築牆無涉欣當讀為睠說文曰睠望也呂氏春秋不



屈篇曰今之城者或操大築乎城上或負畚而赴乎城  
 下或操表掇以善睇望此云能築者築卽彼所云操大  
 築乎城上也能實壤者實壤卽彼所云負畚而赴城下  
 也能欣者欣欣與睇同卽彼所云操表掇以善睇望也  
 睇通作希管子君臣篇曰上下相希若望參表睇字從希得聲古音在脂部欣  
 字從斤得聲古音在諄部諄部之音多與脂部相通故  
 從斤之字亦與從希之字相通說文曰睇從日斤聲讀  
 若希左傳曹公子欣時漢書古今人表作郝時是其證  
 也

荊

子墨子游荆耕柱子於楚念孫案耕柱子上不當有荆  
字魯問篇曰子墨子游公尚過於越耕荆聲相近則荆蓋耕字之誤而  
衍者

脫文二 耶

巫馬子謂子墨子曰子之爲義也

舊本脫曰子二人字今以意補

人不

見而耶鬼不見而富引之曰耶字義不可通蓋服之壞

字也富讀爲福

福富古字通說見經義述聞尚書惟訖于富下

而汝也人不見

而服者未見人之服汝也鬼不見而富者未見鬼之福

汝也故下文曰而子爲之有狂疾也服與福爲韻

商蓋

古者周公旦非關叔畢云關即辭三公東處於商蓋句

人皆謂之狂念孫案商蓋當為商奄蓋字古與益通益

奄草書相似故奄譌作益又譌作蓋韓子說林篇周公

旦已勝殷將攻商奄今本奄作蓋誤與此同昭二十七年左傳吳

公子掩餘史記吳世家刺畢以商字絕句蓋字屬下句

失之

### 度

天下莫不欲與其所好度其所惡畢云度謂渡去也引

之曰畢說非也與堂為興度當為廢皆字之誤也廢度

相似故廢譌作度史記脈書石室驗今本廢字亦譌作度惟見史記興與廢好與惡皆

對文

貴義

何故則 何故也

今謂人曰子子冠履而斲子之手足子爲之乎必不爲  
何故則冠履不若手足之貴也又曰子子天下而殺子  
之身子爲之乎必不爲何故則天下不若身之貴也又  
下文今有人於此有子十人一人耕而九人處則耕者  
不可以不益急矣何故則食者眾而耕者寡也念孫案  
何故則皆本作何則後人誤以則字下屬爲句故於何  
下加故字耳何則與何也同義辭過篤曰何則其所道

之然也尚賢篇曰何則皆以明小物而不明大物也荀  
 子宥坐篇曰何則陵遲故也秦策曰臣恐韓魏之卑辭  
 慮患而實欺大國也此何也史記春申君傳作何則是  
 其證詳見釋詞太平御覽人事部十一六十二資產部二引  
 此竝作何則無故字又下文今有人於此負粟息於路  
 側欲起而不能君子見之無長少貴賤必起之何故也  
 曰義也故字亦後人所加御覽人事部六十二引無故  
 字

如

今天下莫為義則子如勸我者也何故止我畢云太平

御覽引子如勸我作子宜勸我人事部六十念孫案此  
不解如字之義而以意改之也如猶宜也言子宜勸我  
為義也如字古或訓為宜說見釋詞

成

子之言則成善矣畢改成為誠念孫案古或以成為誠  
不煩改字說見逸周書柔武篇

脫文二

言足以遷行者常之不足以遷行者勿常不足以遷行  
而常之是蕩口也舊本脫下不足二字今據上句補

脫文二

使之爲一犬一彘之宰

舊本脫一犬二字今據羣書治要補魯問篇亦云竊一犬一彘

### 遺

今聞先王之遺而不爲是廢先王之傳也念孫案遺字義不可通遺當爲道此涉上文傳遺而誤也上文曰古之聖王欲傳其道於後世故此文曰今聞先王之道而不爲是廢先王之傳也

### 百人

若有患難則使百人處於前數百於後畢云數百下當脫人處二字念孫案百人亦當爲數百人上文曰千人有餘故此分言之曰數百人處於前數百人處於後今

作百人則與上下文不合

千益

子墨子仕人於衛所仕者至而反子墨子曰何故對曰  
與我言而不當曰待女以千益授我五百益故去之也

畢改益為益云古無溢字只作益或作溢  
念孫案古溢字皆作溢無

作益者漢書會貨志黃金以溢為名孟康曰二十兩為溢

賈逵國語注云二十四兩念孫案此言千益五百益皆

謂粟非謂金也荀子富國篇今是土之生五穀也人善

治之則畝數益楊倞曰蓋當時以益為量引考工記曰

益實二鬴又引墨子曰待女以千益授我五百益則益



非益之謫也富國篇又云瓜桃棗李一本數以益鼓鼓亦量名

以戊己殺黃龍于中方

且帝以甲乙殺青龍于東方以丙丁殺赤龍於南方以庚辛殺白龍于西方以壬癸殺黑龍于北方畢於此下增以戊己殺黃龍于中方云此句舊脫据太平御覽增鱗介部一念孫案畢增非也原文本無此句今刻本御覽有之者後人不知古義而妄加之也古人謂東西南北爲四方者以其在四旁也若中央爲四方之中則不得言中方一謬也行者之所向有東有西有南有北而中不

與耳二謬也鈔本御覽及容齋續筆所引皆無此句

公孟

身也

是言有三物焉子乃今知其一身也引之曰身字義不

可通身當為耳隸書身字或作耳見漢荊州從與耳相

似故耳誤為身管子兵法篇教其耳以步所謂是言有

三物者不扣則不鳴者一雖不扣必鳴者二而公孟子

但云不扣則不鳴是知其一而不知其二也故曰子乃

今知其一耳今本耳誤為身身下又衍也字

脫文十一 精

且有二生於此善筮

舊本筮誤作星今據下文改

一行為人筮者一

處而不出者行為人筮者

舊脫一處以下十一字今據上文義補

與處而

不出者其精孰多念孫案精當為精字之誤也

莊子人閒世篇

鼓筮播精釋文精如字一音所字則當作精是精與精字形相似而易譌也

郭璞注南山經

曰精先呂反今江東音所說文精糴也言兩人皆善筮

而一行一處其得米孰多也史記貨殖傳云醫方諸會

技術之人無神極能為重精也是其證

### 絳衣

管者楚莊王鮮冠組纓絳衣博袍

哀十四年公羊傳反袂拭面涕沾袍何注

曰袍衣引之曰絳當為絳字之誤也絳與縫同

集韻縫或省作

絳漢丹陽太守郭曼碑彌絳衣縫衣大衣也字或作逢  
口絳卽縫字字從彖不從彖又作縫洪範子孫其逢馬注曰逢犬也某氏傳以子孫其逢吉爲句訓  
逢爲遇皆非是儒行衣逢掖之衣鄭注曰逢猶大也大  
說見經義述聞掖之衣大袂禪衣也莊子盜跖篇撻衣淺帶向秀注曰  
儒服寬而長大見列子黃帝篇釋文釋文曰撻本又作縫荀子非  
十二子篇其冠進其衣逢儒效篇逢衣淺帶解果其冠  
楊倞注竝曰逢大也列子黃帝篇曰女逢衣徒也縫絳  
逢撻字異而義同絳衣與博袍連文絳博皆大也淮南  
齊俗篇作裾衣博袍高注曰裾袞也袞亦大也汜論篇  
又云袞衣博帶

亦

教人學而執有命是猶命人祿

此字未詳

而去亦冠也畢改

亦爲丌云丌卽其字引之曰古其字亦有作丌者玉篇  
亦古文其是其證今本墨子其作亦則是丌之譌非丌  
之譌也後凡丌譌作亦者放此

無祥不祥

公孟子謂子墨子曰有義不義無祥不祥畢改無祥不  
祥爲有祥不祥云据下文改念孫案畢改非也公孟子  
之意以爲壽夭貧富皆有命而鬼神不能爲禍福故曰  
有義不義無祥不祥墨子執非命之說以爲鬼神實司

禍福義則降之祥不義則降之不祥故曰有祥不祥有  
祥不祥乃墨子之說非公孟子之說不得據彼以改此  
也

國治

國亂則治之國治則為禮樂舊本脫國字據下文補國治則從事

國富則為禮樂念孫案下國治當為國貧治與亂對富

與貧對國亂則治之即上文所謂君子慕治也國貧則從事即上文所謂庶人從事也非儒篇曰庶人

急於從事則貧故今日本貧作治者涉上文國治而誤

戾虛

是以身為刑僂國為戾虛者皆從此道也念孫案戾虛

當爲虛戾魯問篇曰是以國爲虛戾身爲刑戮也趙策  
曰齊爲虛戾又曰社稷爲虛戾先王不血食戾猶厲也  
非命篇曰國爲虛厲身在刑僂之中是虛戾卽虛厲也  
小雅節南山篇降此大戾大雅瞻卬篇戾作厲小宛篇  
翰飛戾天文選面都賦注引韓詩戾作厲孟子滕文公  
篇樂歲粒米狼戾鹽鐵莊子人閒世篇國爲虛厲身爲  
論未通篇狼戾作梁厲

刑僂釋文李云居宅無人曰虛从而無後爲厲

此各

儒固無此各四政者而我言之則是毀也念孫案此各  
當爲此若若亦此也言儒無此四政也下文曰今儒固  
有此四政者是其證今本此若作此各則文義不順墨

子書多謂此爲此若說見魯問篇

後坐

反後坐進復曰畢讀反爲一句後爲一句云請反而後

後雷之念孫案畢說非也後當爲復

復後字相似故書傳中復字多譌作

後說見史記韓王信傳

反爲一句復坐爲一句謂程子反而復坐

也今本復作後則義不可通進復曰者復如孟子有復於王者曰之復謂程子進而復於墨子也

吾

厚攻則厚吾薄攻則薄吾引之曰吾讀爲利禦寇之禦禦古通作吾趙策曰王非戰國守吾之具其將何以當



之乎是其證

云

鳥魚可謂愚矣禹湯猶云因夏念孫案云猶或也言鳥魚雖愚禹湯猶或因之也古者云與或同義說見釋詞

人哉

先生以鬼神為明知

舊本神為二字  
倒轉今乙正

能為禍人哉福為

善者富之

富與  
福同

為暴者禍之

舊本脫為  
字今補

念孫案此當以

能為禍福連讀不當有人哉二字下文曰先生以鬼神

為明能為禍福為善者賞之

舊本脫為  
字今補

為不善者罰之

是其證今本禍福二字之闕衍人哉二字則義不可通

何遽

雖子不得福吾言何遽不善而鬼神何遽不明念孫案  
遽亦何也違言何遽者古人自有複語耳說見漢書陸  
賈傳

脫文二

百門而閉一門焉則盜何遽無從入

舊本脫閉字入字  
今據魯問篇及太

平御覽疾病  
部一引補

魯問

非願無可為者

畢云非願言非此之為願念孫案畢說非也願當為願

字之誤也

顧願草書相似

願與固通

說見釋詞

願上當有此字言非

此固無可為者也此字即指上數事而言今本顧譌作願又脫此字則義不可通

### 國太子

昔者吳王北伐齊取國太子以歸於吳念孫案國太子本作國子謂齊將國書也吳敗齊於艾陵獲國子事見春秋哀十一年淺人誤以國為國家之國因加太字耳用是

是以國為虛戾身為刑戮用是也念孫案用是二字涉上文而衍上文是以國為虛戾身為刑戮也無用是二

字是其證

此若言

此若言之謂也畢改此若為若此念孫案畢改非也古者謂此為若連言之則曰此若此若言之謂也己見尚賢篇又節葬篇曰以此若三聖王者觀之又曰以此若三國者觀之墨子書言此若者多矣它書亦多有之詳見釋詞若字下

脫文二

尚同而無下比

此文具見尚同三篇舊本脫同字今補

是以美善在上而

怨讎在下安樂在上而憂感在臣

舊本脫是字今據尚賢篇補

糴讐 費

是猶欲糴糴讐則慍也畢云售字正作讐豈不費哉念孫案糴

當為糶廣雅糶買也糶賣也故云是猶欲糶糶讐則慍

也今本糶作糴則義不可通豈不費哉費讀為悖即上

文之豈不悖哉也緇衣口費而煩鄭注曰費或為悖案

悖者正字作費者借字也說見經義述聞

倒文四

覆慮耕而會天下之人矣舊本而會二字在天下之下今據下文乙正

盛

盛句然後當一農之耕念孫案盛與成同下兩盛謂耕字放此

事已成也古字或以盛爲成說見經義述聞周易說卦

脫文二

國家務奪侵凌卽語之兼愛非攻故曰擇務而從事焉

舊本脫次故二字今據上文及非攻篇補

衍文二

子墨子曰出曹公子而於宋三年而反畢云子墨子曰  
出未詳念孫案此本作子墨子出曹公子於宋猶上文  
言子墨子游公尚過於越也今本衍曰字而字則義不  
可通

脫文二

短褐之衣藜藿之羹舊本脫藜字之字今以意補

脫文一 誤文一

今而以夫子之教家厚於始也

念孫案此言吾始而家貧今而以夫子之教家

厚於始也今本脫今字教字又誤作政則義不可通

擢季

夫鬼神豈唯擢季拊肺之為欲哉畢云擢季拊肺四字

有誤引之曰季蓋黍字之譌祭有黍有肺故云擢黍拊

肺

執函

昔者楚人與越人舟戰於江楚人順流而進迎流而退

見利而進見不利則其退難越人迎流而進順流而退

見利而進舊脫而見不利則其退速越人因此若執句

函敗楚人念孫案執字函字皆義不可通執當為執執

即今勢字此若勢者此勢也若亦此也古人自有複語

官墨子書多謂此為此若說見上文函當為函俗書函字或作讀函稱

於水之亟亟數也言越人因此水勢遂數敗楚人也下文

楚人因此若執函敗越人同

### 勇始

公輸子自魯南游楚句勇始為舟戰之器念孫案勇字

下屬為句勇猶於是也言於是始為舟戰之器也月令



曰天子焉始乘舟

今本焉字在天子上屬上句讀乃後人不曉文義而妄改之說見釋詞

晉語曰焉始為命大荒而經曰開焉始得歌九招

今本始字

在得字下亦後人所改

此皆古人以焉始二字連文之證詳見釋

詞

脫文一

公輸子削竹木以為雛成而飛之三日不下念孫案此

當作削竹木以為雛雛成而飛之今本少一雛字則文

不足義太平御覽工藝部九所引已與今本同初學記

果木部白帖九十五並多一雛字

劉

子之為辭也不如匠之為車轄

舊本匠作翟涉上下文翟字而誤今據太平御

覽工藝部九引改

須臾劉三寸之木而任五十石之重畢云劉

鑊字假音念孫案畢說非也劉當為劉集韻斲或作劉

廣雅曰劉斫也今本廣雅譌作劉

俗書斲字作斲或劉字亦作劉

形與

劉相似因譌為劉此言為車轄者斫三寸之木而任五

十石之重非刻鑊之謂也

公輸

子墨子聞之三句

子墨子聞之起於齊行十日十夜而至於郢畢云起於

齊呂氏春秋云自魯往是

愛類篇

文選注引云墨子聞之

自魯往裂裳裹足十日至郢廣絕交論念孫案世說新語文

學篇注引此作墨子聞之自魯往裂裳裹足日夜不休

十日十夜而至於郢文選注所引從略然亦有自魯往

裂裳裹足七字呂氏春秋愛類篇曰墨子聞之自魯往

裂裳裹足日夜不休十日十夜而至於郢正與世說新

語注所引同則其為墨子原文無疑淮南脩務篇曰墨

子聞而悼之自魯趨而往十日十夜足重繭而不休息

裂裳裹足至於郢文亦小異而大同今本自魯往作起

於齊又無裂裳裹足日夜不休八字蓋後人刪改之也

必為竊疾矣

念孫案尸子止楚師篇及宋策竝作必爲有竊疾矣此  
脫有字則文義不明耕柱篇亦曰有竊疾也

狐貍

宋所爲無雉兔狐貍者也畢云太平御覽引狐貍作鮒  
魚念孫案作鮒魚是也無雉兔對上文荆有犀兕麋鹿  
言之無鮒魚對上文荆有魚鼈鼉鼉言之若狐貍則與  
魚鼈鼉不相應此後人不曉文義而改之也尸子戰  
國策竝作鮒魚

牒

子墨子解帶爲城以牒爲械畢依太平御覽改牒爲牒

兵部六引說文南楚謂禪衣曰禪玉篇作禪念孫案禪

衣不可以為械畢改非也史記孟子荀卿傳集解引此

正作牒索隱曰牒者小木札也說文札牒也廣雅曰牒版也

故可以為械後漢書張衡傳注亦引作牒

墨子弟四